



栞生隨筆 卷七八

1字5  
457  
4止





椒生隨筆目錄

卷七

北塘海防中軍帳額

楊忠愍公詩

沒字碑

巴圖魯

俗語引證

止盜正以救荒

幕客授職

尹文端條告語

汪煥曾先生撰聯

胡文忠書牘

孝子慈孫

何子貞太史集字聯語

陳子鶴太宰

朝轎故事

耆相楹聯

驛書不過六百里

棋爭邊角

天籟詩

幾何

天子門生

論六軍

白話

餽

兄弟薰蕕

秀才所習

金陵昭忠祠

王烈婦

乩示題

曾文正公箴言

中俄定界立約

及瓜

去國

城隍

憶秦娥

卷八

詠雪

胡文忠薦賢

封岳鄂王敕語

青玉案

保舉勅格

游侍御疏語

金陵城垣考

古今同姓名人

多忠勇公

論三督撫

魯竹亭詩

癡人莫若英雄

走作

詩文集

消息信息

題畫松

詠被中繡鞋

曲成人才

丹心萬古

春秋屬辭辨例

臘底庚申

直隸水災

鑄奸

海運

箴言

電報

毛詩註

怪魚

老萊子

罌風匣

地形如肺

八旗

衡霍二山

造書

詩寫旅况

古人姓名之訛

嘉禮

介壽

椒生隨筆卷七

清泉 王之春 爵棠

北塘海防中軍帳額

予既於北塘中軍帳室撰聯云詰爾戎兵執干戈以  
衛社稷修其教訓說禮樂而敦詩書復書無倦二字  
於額而跋其後曰安不忘危文不廢武豫道也凡事  
豫則立不豫則廢士君子思患豫防先勞之要以無  
倦真有不遑寢處者北塘爲海濱重鎮自前明以來  
魚鹽舟楫之利稱富饒焉向有礮臺舊址慶光年間

重建洎咸豐初僧邸以社稷重臣加意洋防不遺餘力而南北三礮臺巍然并峙迺變生不測蕩廢頻仍客春合肥相國移節直隸督師天津見北塘據上游形勝與大沽並重訓練通永一軍以本鎮帥統其師礮臺之麓左右列營余以翼長副之領右軍逐一草創日不暇給今春以次就緒而中軍尙無下榻處固矢體裁亦無以爲講武之所遂拓地建屋三楹屋後東西偏附修子廊各四中設廳事右啟書室前置迴舍以麥秋始經旬卽落成居於斯游於斯得日與營

弁士卒源源接見暇則講求弓馬藉以觀德獨處輒手史冊一二卷參觀古今治忽之由與夫成敗利鈍之蹟冀得準而行之少爲時艱濟特恐繼之以倦有初鮮終神明甚覺其多疚爰卽聖人所勗於仲氏子者書額以志并繹其義於左方俾常於此凜凜焉同治辛未天貺日之春記此事無足存祇以余心之刻厲已非一日故必筆諸簡端藉以葆初衷於弗或懈云

楊忠愍公詩



容城楊忠愍公文章為忠節所掩甚至有人謂公不  
 工詩或謂公臨刑詩二首已足千古他作均可置之  
 余每讀公詩集中多清絕語句節錄之以誌景仰云  
 知己漸隨流水遠離愁端與削山平送劉棻涯  
考績北上春歸  
 英苑晴花合天入燕雲曉旆寒送大宗伯雨  
洲王公考績寒欺草  
 榻涼如洗風捲星河動欲流報主獨憐成孟浪論交  
 誰復憶同游感月  
有懷君愛寒官儂愛死古來天地幾癡  
 人送德觀海  
分教偃城寒雁不堪雲暝夕秋風况是葉飛初送  
徐  
龍灣審  
錄江南志欲小天下特來登此山仰觀絕頂上猶是

白雲還

登太山極  
頂因題

沒字碑

乾陵一碑無字不知其故云于闐國貢者見州志又  
 泰山有沒字碑或云是碑匱也又汴梁秦檜墓碑無  
 字蓋穢德有不堪書者矣

巴圖魯

巴圖魯以賞有功王漁洋皇華紀聞作把土魯自註  
 把土魯勇也元時必出上賜 本朝亦然後作巴圖  
 魯近且由下陳請 上賜錫以清語漢語之嘉名耳

或曰巴圖魯猶言好勇也

俗語引證

俗語有本於載籍者有載籍用俗語者引證十數則

以資考據姑息禮檀弓得法國語是良史也為我得法有分問無分

左傳子華對聽情漢書王侯表沈猷夷侯受元買賣

楚靈王語聽情漢書王侯表沈猷夷侯受元買賣

漢書食貨志新莽更名天門生漢書倭內顧漢書楊

下田曰王田不得買賣門生漢書倭內顧漢書楊

其內老先生漢書賈誼傳每詔下諸老衙門三國志

公孫瓚毀陽溝郭璞爾雅註陽溝巨鵬古之名雞尊

其衙門陽溝郭璞爾雅註陽溝巨鵬古之名雞尊

大人陸士龍答車茂安永書尊舉家大小士龍書

大人賢姊上下當為喜慶舉家大小士龍書

止盜正以救荒

楊椒山先生上徐少湖書有云聞各處撫按分付各

屬官今且暫寬治盜之法其意懼生變也以故各官

於賊之獲俱姑息寬縱之此端一開為盜者眾貧者

日至放肆富者日不安生是民之為盜雖起於年凶

亦上之人有以教之耳夫濟荒自有長策未聞教民

為盜以救之也况漸不可長民不可逞恐隄防一撤

便習謝靈運富春諸當面背面杜詩當面輸大廊老

楊椒山與少司寇吉陽何公書自大廊老去後吾無憂矣

叔生遺筆 卷七 四

紀綱遂壞其變有不可勝言者宜速行令各處撫按有司使遇盜賊仍治之如法則禁盜乃所以止盜而止盜正所以救荒也毛西河云此大聖大賢大經濟大作用不意先生遂能到此明末山東大饑有搶米者太守王雪于推官陳臥子皆殉國名臣當時堅執抵法曰吾殺亂民非殺饑民也其論與先生同止盜救荒一言卽生道殺民之意

幕客授職

古之參謀記室卽今之幕客也雍正間

上諭云

嗣後督撫所延幕客須擇歷練老成深信不疑之人將姓名具題如効力有年果稱厥職行文咨部議敘授之職位以示砥礪欽此今則久不具題遂無授職者矣

尹文端條告語

辦賑最非易事偶不實心實力造孽莫大况自利乎尹文端繼善督兩江時辦賑條告語有云倘不肖有司剋賑肥家一有見聞斷不能倖逃法網卽本部堂稽察有所不到吾知天理難容子孫將求爲餓殍而

不可得痛哉言乎

汪煥曾先生撰聯

蕭山汪煥曾先生

輝祖

初習申韓後以進士出宰楚

南時稱循吏其舊撰館聯云苦心未必天終負辣手  
須防人不堪此不特入幕者宜奉為圭臬凡有司皆  
不可不知也

胡文忠書牘

胡文忠集十卷而書牘居其六皆軍事政教之言其  
於親戚情話僅附一二筆有自然機趣所謂老樹著

花無醜枝也採錄之以便披誦致左季高京卿云紹

酒十尊奉上公之精氣再勞十年亦必可支所患關

隘阻隔痰飲中梗幸早治之或曰以沈香浸酒則永

無關隔之症然林翼精氣日形其短頗惜此才也致

莊蕙生

受祺

云堯仙

呂公  
孫

藩黔吾方守黎平又一年

而吾旋楚堯仙陞閩撫道阻不能至長沙派兵百人  
由辰州上迎入安化在印心石屋門首經過其幼女  
嬉笑岸旁柳陰下陶少雲枕欲以年家誼託女蘿連  
年從戎尙未函商而堯仙則已古矣堯仙爽直有氣

概治黔有聲至今思念之不僅私交之密也乞與仲  
遠商酌成全之法致官使相云聞尊體日漸復元應  
健脾胃爲主脾胃者人之元氣也潛山天柱漢代尊  
爲南岳漢武巡狩由盛唐至潛登天柱泛舟樅陽射  
蛟潯陽江中卽其地萬山從龍獨產天堂野朮土人  
以繩縛腰別繫繩樹石間跳身絕壑懸巖間以采之  
惜所得不多弟服之大效其和平中正如老兄性格  
付上一匣計野朮三十五枝如試服有效秋冬再可  
購覓奉上

### 孝子慈孫

楚語士亶曰堯有丹朱舜有商均啟有五觀文王有  
管蔡皆元德也而有姦子韓文公子昶闇劣誤金根  
車爲金銀史直翁浩爲相非無一善可稱子彌遠爲  
權臣而掩其父之美呂文靖夷簡爲相非無一疵可  
議子公著爲名相而揚其父之美楊涉而有子凝式  
張浚而有子栻如呂楊張三公眞孝子也王導之孫  
謚而授璽綬於桓元謝安之孫澹而持冊於劉裕顏  
見遠孫之推而喪節韓魏公孫侂胄而墮宋豈詒謀

林生隱筆 卷七  
之不善乎如陶侃之孫淵明見遠之孫之儀之儀元  
孫常山平原二公者真慈孫也語云有錢難買子孫  
賢是人力不爲功而天理尤不可測矣

何子貞太史集字聯語

道州何子貞太史

紹基

書法甲天下余見其所集爭

坐位帖字聯滅盡鉞綫痕迹亟全錄之七言云九功  
惟敘使勿壞百度得數而有常宣德道情文乃貴明  
微謹始禮爲宗與其過縱何如謹到得能誠自會明  
悟到前身應是月數來好友莫如書明月同行如故

客異書難得比高官兩足不出門半尺一室坐擁書  
百城行事莫將天理錯立身當與古人爭聞常言輒  
有至理愛別致便非本心且自思立足得地豈可輒  
抗顏爲師藏異書貴得初本收古畫須檢裂文有三  
尺地身可坐到五更時心自清如張子野真醉伯是  
李將軍乃畫師時事亦當參古禮人爲不敢恃天功  
對月橫安高士榻論文喜得古人書縱目古今還自  
省側身天地一無言倫理只從天事見功名貴自本  
心來古易九家皆見聖魯論半部足匡時然名香宜

對古畫見明月又來故人書城高大能藏道心地光明始愛才八言云揆高度深九數所極指事會意六書之綱將相公侯蓋亦有命射御書數皆謂之文坐榻橫書陞臺校射然香品畫對月開尊武將宣威自天而下文臣記盛如日之升瞻言古人便若同世措置難事亦如平時見人之過如己有失於理既得卽心所安方排眾議乃見獨是心師古人自爲一家就已然情知未來事於獨居地見大眾心有功不伐聞過則喜爲道日益積德能升縱橫百家才大如海安

坐一室意古於天天壽崇高初無階級書城割據各異門途意之所忽過從此長衆有同欲功不可居聖業顏曾清名李郭相才文富士品裴王十言云參三六九易數皇極斯寓合百二十國書魯史乃興十一言云何必開門明月自然來入室不須會友古人無數是同心十二言云戴勝祖高堂士禮從知家相作子長事安國尙書眞見古人來十三言云士禮守容臺本東魯兩聖人所定佛書破藏海是南朝衆才子之文十四言云明理自平居莫到有事時存兩端念

置身須得地當爲從古來第一人二十七言云行  
路有何難我曾從天柱九疑終南紫閣太室三塗直  
到上京王者地得師真不易所願與高堂二戴安國  
子長相如正則同依東魯聖人居

陳子鶴太宰

陳子鶴太宰孚恩書法亦冠一時以拔貢起家歷官  
清要其攝東撫時未受鹽務陋規蒙 賞清正良臣  
匾額咸豐十年七月 朝命諸臣會議幸熱河事太  
宰有竊負而逃遵海濱而處之語十一年在熱河又

力阻回鑾 今上登極載垣等敗許仁山侍郎彭

壽以黨援參奏褫職旋戍新疆可爲奏對不慎者戒

朝轎故事

鍾繇有膝疾拜起不便時華歆亦以高年疾病朝見  
皆使載輿車虎賁昇上殿就坐是後三公遂以爲故  
事見三國志今之 賜朝轎者卽朝馬意蓋本此然止  
及 景運門而止不能昇上殿也

耆相楹聯

耆介春相國英有滿洲才子之目然頗自負 宣



廟優遇之嘗褒爲有膽有識迨 文宗嗣統恩禮寢  
衰屢奉 嚴斥有無恥無能之 諭者揭一聯於楹  
云 先帝隆褒有瞻有識 時皇罪過無恥無能頗  
爲 上聞非亦足以殺其軀乎

驛書不過六百里

今軍事至急者驛書日六百里考三國志陳泰傳泰  
每以一方有事輒以虛聲擾動天下故希簡曰上事  
驛書不過六百里又考漢書屈釐乘病置爲急遞日  
行四百里古以四百里爲至速至三國時乃定此限

耳

棋爭邊角

圍棋國手最爭邊角劣手則爭中腹諺云金角銀邊  
草肚皮此之謂也宋劉彥修子羽之言曰善奕棋者  
不爭邊角之藝名臣之論卻欠精理

天籟詩

澧州乞食道人游一瓢詩曰磨快鋤頭挖苦淺不知  
山下白雲深多年寂寞無煙火細嚼梅花當點心游  
食多年不害羞也來城市看妝樓東風不管人貧賤

一樣飛花到白頭破寺無僧好挂瓢閒時歌舞醉時  
簫黃昏月落秋江裏沒箇人來問寂寥門外何人喚  
老游老游無事聽谿流而今世事多荆棘黃葉飛來  
怕打頭天籟也而道味益然轉覺摹唐規宋之同嚼  
蠟矣

幾何

西洋算法書名幾何乃春秋時冉求所造今中國轉  
無此書且學算法於洋人而不克善其術甚矣古今  
人之不相及也

天子門生

秦檜欲收羅逵於門下羅不屈檜大怒必欲殺之而  
檜死矣高宗曰不愧天子門生逵本紹興辛未狀元  
今稱翰林爲天子門生者本此然非狀元不克當非  
如逵者不敢當也

論六軍

直隸練兵於保定正定遵化古北河間宣化曰六軍  
軍各二千五百人部中於京餉外復立固本名目由  
直隸按月請領此劉制軍長佑所奏辦也故戶部統

籌財用源流一疏有云同治六年七八月間梟匪乘機竊發以百數十揭竿之衆橫行數郡擾及近畿所調六軍者既未能先事預防以杜亂萌並未聞一矢加遺以摧凶焰又云各路多有雕一木質關防徑行赴部支領帑餉者十羊九牧不知節制無益於事臣等實深惜之云云夫不練勇而練兵誠善舉也惟行伍廢弛已久非旦夕所能有功 朝廷特調曾文正八年到任從新整頓芟繁就簡漸有起色十年冬李少荃傅相改調遵化一軍移紮北塘海口易名通永

白話

南方人謂與閒談曰白話又空言無實際之謂俗語也考翰林志翰林所著撰教坊致語曰白話則俗語居然典故矣

賜

今人書劄之尾每有不賜字樣攷賜音賜義切李密傳云敖庾之藏有時而賜潘岳西征賦云起長懷以遐念若循環而無賜張銑註賜盡也六朝人喜用僻字遂相沿至今云

兄弟薰蕕  
顏之儀而有弟之推歷事梁齊周隋朱溫而有兄全  
昱斥其滅唐王安石而有弟安國請其遠佞史可法  
而有弟可程爲貳臣一薰一蕕萬難陶化又何疑乎  
舜之於象武周之於管蔡展禽之於盜蹠哉

秀才所習

宋初尙文選當時文人專意此書至爲之語云文選  
爛秀才半見放翁老學庵筆記近日文人專攻四書  
甚至五經亦不全讀子史集更置不顧因有四書熟  
秀才足之語蓋古以雜作取士今以時文取士故所  
習殊也然時文愈趨愈下吾甯爲古之半秀才不爲  
今之足秀才也

金陵昭忠祠

江南遭兵最久殉難官紳最多江甯先有湘軍昭忠  
祠在城北蓮花第五橋係克城之初就僞王府略爲  
修葺者後就地並建三祠中仍爲湘軍陸師昭忠祠  
東爲金陵軍營官紳昭忠祠西爲湘軍水師昭忠祠  
而東祠約分六端一曰咸豐三年金陵城陷滿漢文

武殉節之員二曰自癸丑至庚申八載向榮和春營中陣亡傷亡及病故之員三曰江甯七屬歷年殉難之紳及外籍而寓居金陵遇難之紳本籍而陣亡於外省之紳四曰生平久居金陵大營其後盡節他處如鄧紹良周天受張玉良之類五曰揚州鎮江兩軍皆因圖克金陵而設兩處陣亡傷亡病故之員六曰金陵滿漢婦女不屈而死者別立貞烈祠祀之此同治七年春江督曾公國藩所奏辦也並查事實書立神牌詳盡之規足垂千古

王烈婦

江南鎮江府西門外大圍坊民人趙維興妻睦氏賣鴉片煙爲業其媳王氏年二十于歸甫一兩載氏夫常在外姑屢誨淫不從潘道士素與姑往來者貪氏色賄其姑甲午八月十九日姑引道士匿氏牀側欲俟就枕污之氏驚覺拒之益堅喊哭聲聞戶外道士遁去姑憤極以錐刺氏下體殆徧氏閉戶更衣裳上下縫紉帶傷服生鴉片死次日其母家鳴於官道士賄之攔驗冤不得雪節未能彰里人爲痛惜之桂丹

盟時宰丹徒為請於上曰似此操勵冰霜志堅金石  
 經百折而不辱拌一死以如歸玉出濁流而不變其  
 潔芝生溷廁而自噴其香眾口一辭斷難磨滅寸心  
 千古應發幽潛倘教東海冤沈恐阻三年之雨惟使  
 南山案定可扶一國之風中丞命捕道士鞠之治如  
 律婦得旌於朝

乱示題

嘗見醉茶志怪一書為津門李篠筠慶辰作載同治  
 壬戌恩科直隸有士人請乱仙豫問闡題乱書云

馬上相逢無紙筆憑君傳語報平安士不解及試題  
 乃吾斯之未能信子說方悟仙示以謎語也而思亦  
 巧矣

曾文正箴言

曾文正嘗於為翰林日作五箴并序曰少不自立荏  
 苒遂洎今茲蓋古人學成之年而吾碌碌尙如斯也  
 不其戚矣繼是以往人事日紛德慧日損下流之赴  
 抑又可知夫疾疾所以益智逸豫所以亡身僕以中  
 材而履安順將欲刻苦而自振拔諒哉其難之與作

五箴以自創云立志箴曰煌煌先哲彼不猶人藐焉  
小子亦父母之身聰明福祿予我者厚哉棄天而佚  
是及凶災積悔累于其終也已往者不可追請從今  
始荷道以躬輿之以言一息尙活永矢弗諼居敬箴  
曰天地定位二五胚胎鼎焉作配實曰三才儼恪齊  
明以凝女命女之不莊伐生戕性誰人可慢何事可  
弛弛事者無成慢人者反爾縱彼不反亦長吾驕人  
則下女天罰昭昭主靜箴曰齋宿日觀天雞一鳴萬  
籟俱息但聞鐘聲後有毒蛇前有猛虎神定不懼誰

敢余侮豈伊避人日對三年我慮則一彼紛不紛馳  
騫半生曾不自主今其老矣殆擾擾以終古謹言箴  
曰巧語悅人自擾其身閒言送日亦攪女神解人不  
誇誇者不解道聽途說智笑愚駭駭者終明謂女實  
欺笑者鄙女雖矢猶疑尤悔旣叢銘以自攻銘而後  
蹈嗟女旣髦有恆箴曰自吾識字百歷泊茲二十有  
八載則無一知曩之所忻閱時而鄙故者旣拋新者  
旋徙德業之不常曰爲物牽爾之再食曾未聞或愆  
黍黍之增久乃盈耳天君司命敢告馬走又有養身

要言五則其一曰一陽初動處萬物始生時不藏怒焉不宿怨焉右仁所以養肝也其二曰內而整齊思慮外而敬慎威儀泰而不驕威而不猛右禮所以養心也其三曰飲食有節起居有常作事有恆容止有定右信所以養脾也其四曰擴然而大公物來而順應裁之吾心而安揆之天理而順右義所以養肺也其五曰心欲其定氣欲其定神欲其定體欲其定右智所以養腎也

中俄定界立約

方明之末季 大兵甫定黑龍江索倫達瑚拉及使犬使鹿各部東北際海而俄羅斯東部曰羅刹者亦踰外興安嶺侵徧黑龍江北岸之雅克薩尼布楚二地樹木城居之兩師相值各罷兵既又南向侵掠布特哈烏梁海奪四佐領崇德四年 大兵再定黑龍江毀其木城歸而未及戍守也羅刹復城之順治十年遣兵於黑龍江逐之十五年調高麗兵逐之順治十二年十七年俄羅斯兩附貿易商人至京師者奏書於 世祖絕不及邊界事康熙十五年貿易商



人尼果賚等至 聖祖召見之貽察罕漢書令約  
束羅剎母寇邊久之未答也而羅剎復東掠人畜於  
赫哲費雅哈地藪我逋逃阻我索倫貂貢南及松花  
江 上以其密邇留都不可滋蔓又重開邊釁乃  
於二十一年遣都統彭春等以兵獵黑龍江征薄其  
郭偵形勢於墨爾根及齊齊哈爾各築城戍之置十  
驛通水運而羅剎貪黑龍江東際海數千里甌脫地  
思割據二十四年四月乘冰解水陸並進克其城縱  
其人歸次年正月羅剎復以火器來據城我師圍攻

死守不去時荷蘭貢使在都稱與俄羅斯鄰乃 賜  
書附荷蘭達其汗時新罕汗初嗣位九月復書至即遣使臣  
詣邊定界請先釋雅克薩之圍二十八年十二月始  
勒石會議條約

及瓜

今世稱任滿當代及人到官賀謝語必言及瓜曰瓜  
代又稱瓜期誤也齊侯使連稱管至父戍葵邱瓜時  
而往曰及瓜而代據此乃一年戍守耳且後作亂弑  
齊侯並非好出處戍役之暫比之官固不可况慶賀

乎

去國

世之去朝廷爲去國用孔子去父母國出處然今與列國時不同春秋之世去魯之齊去秦之晉可言去國旣已天下一家雖辭榮闕廷退處林谷何莫非王土也

城隍

城隍之名始於易之泰卦宛平王文貞公曰禮稱天子大蜡八伊耆氏始爲蜡蜡祭八神水庸居七水隍

也庸與墉也城也由此觀之城隍實始於堯時惟立廟之說前史未見太平府志云城隍廟在府承流坊赤烏二年造則廟之創自後漢可知厥後唐李陽冰亦有當塗城隍廟記而韓昌黎張曲江諸人復爲文以祭之嗣是或封王或封公或封侯伯香花供奉到處皆然而巫覡之風且自此始矣明洪武欲詔革前此封號毀其塑像而易以木主止稱某府某州縣城隍之神最爲合制元時封城隍而并及夫人本不足法近世鄉民好事至稱城隍娶婦城隍寄子迎神賽

椒生隨筆 卷七 三  
會舉國若狂是又可發一笑者也

憶秦娥

吳白華侍郎天才俊逸尤工小詞其憶秦娥云鑪薰  
被暖好夢和春短夢又不來人又遠月上梨花庭院  
更更更漏沈沈無眠低枕瑤琴纔騰睡去牕前早  
喚山禽柔情膩語宛轉關生不得因其人而并廢之  
也

椒生隨筆卷八

清泉 王之春 爵棠

詠雪

予向有詠雪斷句云本色還他天下素窮冬著徧樹  
頭花後見鮑西園茂才詠雪有云原來世界都清白  
始信乾坤無淡濃之句意蓋相類

胡文忠薦賢

胡文忠薦舉賢才疏有云某某均未識面亦無文字  
往來訪聞既確據實附陳以備 聖明採擇夫用人

行政 朝廷自有其權舉爾所知芻蕘不嫌下問臣力疾從軍不敢自逸惟恐先犬馬填溝壑若目覩時局艱危避忌模稜知而不言負 恩實大云云近日封疆專閫大半皆出公門曾侯相謂爲薦賢滿天下良不誣也昔東坡與友人書薦黃魯直秦少游不但以爲後出之秀直以爲天人後二君得以成家名傳後世東坡之力也彭雪琴宮保謂爲聖賢作用菩薩心腸英雄手段能令千古文人豪傑一齊下淚予謂今之胡文忠與昔之蘇文忠豈曰古今人不相及哉

封岳鄂王敕語

宋甯宗封岳鄂王敕起語云人主無私予奪一歸萬世之公天下有公是非豈待百年而定中有云時屬講好將歸馬華山之陽爾猶奮威欲撫劍伊吾之北遂至樊蠅之集遽成市虎之疑雖懷子儀貫日之忠曾無其福卒墮林甫偃月之計孰拯其冤云云甯宗善補先過然如敕中語使高宗置身何地耶武穆在九泉下知之自必涕零吾輩生千載後讀之亦爲淚溢

青玉案  
予嘗言裘小華侍御詞華粗豪小華一日出示午夜  
無聊枕上偶成調寄青玉案二闕一變而爲柔曼之  
音令人擊節不置其詞云夢回枕畔疑風雨忽引逗  
閒愁緒還省夢中離合趣千般恩愛萬般冤楚一例  
渾無據西園夜半猶歌舞怎不覺歡娛苦輾轉衾裯  
天欲曙雞聲淒緊漏聲容與曉色濃於絮其凝眸漫  
把歸鴉數卻早又霜林暮徙倚畫闌干曲處含情無  
語多應有恨早又初更鼓香巢紫燕都飛去定不肯

和儂住默誦出山泉水句佳人空谷蕭條修竹秋盡  
今宵雨其二

保舉勅格

同治庚午三月曾侯相出任直隸保舉十員疏語有  
云不過表其政績並不稍乞 恩施古來循良之吏  
或有璽書褒異非必歲歲遷官人人進秩也近世各  
省保舉浮濫習見不珍該員等雖無獎拔之實而循  
聲達於 聖聰卽光寵逾於華袞等語人謂爲保舉  
勅格近見沈幼丹制軍薦舉賢才十二員疏有兩江

急切需才舉其姓名而不敢遽求 恩澤之語先後  
同揆若合符節

游侍御疏語

同治庚午正月游侍御百川以雪澤愆期日食遞見  
請增修 聖德一摺中有云查道光年間 國家廣  
庶富之業內而廷臣外而督撫率以粉飾太平爲務  
州縣習於侈汰以能逢迎者爲良吏以多機械者爲  
幹員吏治旣頽亂機斯伏等語奏奉 諭旨直言無  
隱之臣際虛懷納諫之主爲古來所罕覩也

金陵城垣考

予按金陵之名始自周末楚威王滅越置金陵邑秦  
始皇改爲秣陵漢初名鄣郡元封二年改爲丹陽三  
國時吳王權建都名爲建業西晉末避亂愍帝東渡  
駐蹕於此王丞相導營建國都於舊城稍加增擴以  
天子所居禁省爲臺遂稱臺城雞鳴寺北極閣等處  
卽臺城北址也嗣後割據東南如宋齊梁陳皆建國  
都隋文帝統一區宇更名蔣州唐初名潤州至德二  
載置江甯郡乾元元年改昇州五代楊溥時爲金陵

府徐知誥名江甯府宋初爲昇州建炎三年改建康元初爲建康路天厯二年改爲集慶路明初爲應天府成祖以後爲南京雖地名紛更實則皆指爲臺城六朝舊城均近覆舟山去秦淮北約五里許臺城西爲石頭城卽今之鬼臉城孫吳時江在石頭城下爲險要必爭之地初築土隄後因山加甃遂爲石頭城設揚州官廨於其中臺城之東南爲東府城孝文王道子領揚州牧仍居先舍故俗稱東府卽今通濟門左右也六朝時太子宮及王侯士大夫府第皆在

焉東府石頭皆爲臺城之屏蔽六朝以來凡兵自南入皆先取東府石頭二城自京口來者則直取臺城焉治城在石頭城之南孫吳時王宏茂治爲鼓鑄之所今朝天宮卽其遺址後瑯琊城一名白下城齊武帝以其依山帶江徙金城治於此金城卽前瑯琊城亦名宣武城晉元帝以其依山帶江徙金城治於此亦名宣武城晉元渡江僑立瑯琊郡在臺之北今神策門外之石灰山下其故址也晉書蘇峻據石頭城將攻京口晉兵之屯白下者得聞其集衆鼓聲以相望不及十里故也同夏縣城在東府城之南隅梁武帝生於同夏里

置縣爲城以舊宅爲光宅寺今城南飲虹橋孝侯臺  
卽卽其故城遺址考之志載臺城北雞鳴寺南之  
通濟門卽別爲東府城臺城之不廣可知故東宮及  
王侯第皆不居臺城而居東府城世說會稽王遼東  
府城行散則東府城可以徐步周行其不廣亦可知  
他如白下城僅屯兵二千石頭城因山爲壘專爲扼  
江岸之險而設治城但爲鼓鑄置城不置邑規模之  
小可想見矣楊吳度其形勢併合各城從新改築跨  
秦淮南北周廿五里建宮城於天津橋北其外城南

盡長千橋西帶冶城石頭城東止今之通濟門北至  
北門橋當時迤北西流小水皆截入城濠今之北門  
橋及浮橋竹橋大中橋一帶河水卽東北城濠也紹  
興渡江仍卽故都稍加修治洪武初因宋元舊城推  
而廣之西南就其遺基東自東門截濠開拓增建南  
門二曰通濟曰正陽東北跨雞籠山轉折而西循湖  
濱迤邐而北其北從北門橋外包北郭十餘里江甯  
縣所屬之舊邨並括獅子山悉爲城內二年九月興  
築六年八月告成周九十六里共十三門建宮城於



東隅順治初改宮城為駐防城略因其舊西南一帶  
順治十七年重築起太平門至通濟門東止長九百  
三十丈連女牆高二丈五尺遂以外城為江甯府治  
此則得自吾衡曾雲門司馬尋譯江南省志詳備可  
考

古今同姓名人

古今同姓名人兩賈舉兩曾參兩孔忠魯兩毛遂兩  
韓信六公孫宏十一王褒劉宏九張良八張敞王吉  
三李密張萬福兩劉德父子嚴延年均兩孫叔敖楚

兩朱買臣徐庶漢南兩劉歆新莽兩安屈魏安同兩桓

彝吳兩王肅魏後兩高湛北魏兩薛收隋兩羅靖隋

子同兩李愿李益韓翊均兩李煜唐南兩蔡京唐兩

張旭唐兩李之芳唐兩王鐸唐兩陳詵晉兩

訛可兩韓玉綰三婁室均兩張載晉兩王安國宋兩

兩脫脫元俺答兩劉江明父子國朝兩于成龍張

鵬翀又楚漢均有虞美人

多忠勇公

多禮堂將軍隆阿戰功卓著身之所臨無不出民水

火而秦中百姓尤感戴焉蓋回逆未經鉅創迨數年  
公入陝後每戰輒斬獲無算諸回畏若天神至以公  
名怖小兒啼後以擒匪陷盤屋公督隊攻城中礮陣  
亡民聞之皆巷哭鄉間多肖像以祀猶山東人之於  
僧忠王也嘗讀胡文忠與公書云聞兄日夜憂勤又  
身在礮子中經過甚爲馳念兵事貴乎審機以待戰  
尤貴蓄銳以待時大將自臨城下四五十步縱不自  
惜如軍事何如國事何且吾聞臨陣而不避矢石不  
避槍礮謂之勇未聞城下仰攻我動彼靜我勞彼逸

我無備彼有準從礮子經過而謂之勇也天下強兵  
良將本不易得若再不自尊重則東南半壁何以支  
持云云公卒坐此病以罹於難文忠其知言哉公籍  
滿洲諡忠勇

論三督撫

胡文忠致曾侍郎云林翼嘗笑崑臣爲督葉名琛而  
不知粵西爲何人所轄根雲爲督何桂清而割皖南  
皖北并割江北其失機在推諉不肯任事福元修濟  
以皖北之撫而割南岸以予浙江又割淮北以予公

路宜其日蹙百里而軍政日非也葉何名節不終福則再起爲定邊將軍論得坐病之本并非刻以繩人也

魯竹亭詩

詩貴有性靈有寄託若徒作門面語味同嚼蠟而已張仲軒誦其友人與魯竹亭孝廉棧詩云深紅淺白雨中鮮雨太多時花可憐但乞春陰不乞雨兒家門巷海棠天又游仙斷句二韻玉皇昨夜論勳伐香案仙官賜福多聞道劉安朝帝闕一朝雞犬盡同升興

比之遺風味雋永

癡人莫若英雄

嘗讀甌北詩有英雄大抵是癡人之句又讀劉省三爵帥詩有云高官足榮貴身後何所有李廣若封侯至今猶在否因憶小說石頭記中有歌語云古來將相在何方荒冢一堆草沒了措詞異而用意同是則千古癡人莫英雄若也然使英雄而不癡非爲山林之真隱卽爲廊廟之大奸矣

走作

俗語有曰走作者失也又如釀製洩氣而變壞之謂  
昔朱子在同安夜聞鐘鼓聲聽其一聲未終而此心  
已自走作則宋時遂有此語出於朱子口中便合理  
學精義

詩文集

趙雲松先生云有以明人詩文集二百餘種來售余  
所知者不及十之二三文人仰屋著書不數百年終  
歸湮沒古今來如此者何限因有準擬驚人都有句  
誰知點鬼也無名之句又以近日常刻詩集者又十數

家戲題有云後代時逾前代久今人傳比古人難又  
閱近人詩稿戲題云名士求名氣力殫到頭不出百  
年間那知世有神通大臥作長河立作山夫功德不  
足傳而欲藉雕蟲小技以壽世直是苦心無如燭火  
之光雖照不遠可勝喟然先命匠刷印詩集之作有  
云恨不借祖龍火燒盡好詩獨贖我恨不借黃虎刀  
明史流賊傳殺盡才士讓我豪大可惜以自解又先生刻  
集時詠云書有一卷傳亦抵公卿貴固自負亦自信  
也然而傳之一字談何容易

消息信息

消息信息同義皆俗語也諸葛恪圍合肥新城城中遺士劉整出圍傳消息見三國志王子真佮期曰正叔欲來信息甚大嵩前隱者董五經謂明道曰先生欲來信息甚大見二程外書

題畫松

興化李復堂孝廉鱣善畫自題五松圖云予以直者比之大臣禿者比之名將一側一臥似蛟似龍蒲團之松或仙或佛復堂在揚州八怪之列涉筆均有怪

氣然其天趣不可及也

詠被中繡鞋

雲裏蟾鉤落鳳窩玉郎沈醉也摩挲陳王當日風流減只向波心見襪羅此唐夏侯審詠被中繡鞋也詩集不傳惟此一絕及織錦圖君承皇詔安邊戍一歌而已余亦戲仿作七絕云顛倒鴛鴦蜀錦偎合懽牀上夢初回幾曾蓮步輕移動著向西廂立月來

曲成人才

滇督劉公

嶽昭

疏劾川督吳公

棠

經李少荃爵相遵

旨查辦奏言劉嶽昭傳聞失實率行彈劾大員惟以時事多艱人才難得蒙 恩嚴行申飭山東兗沂曹濟道長賡捕拿博匪濫刑斃命以長爲東省必不可少之員蒙 恩革職留任賈侍御瑚以申飭不足以昭炯戒革留不足以蔽處分奏請另議重辦奉旨所奏不爲無見惟未悉 朝廷曲成人才之意著毋庸議見同治八年十月二十五日邸鈔

丹心萬古

同治八年天津捐建科爾沁親王僧忠王專祠蒙

御賜丹心萬古匾額 天語褒崇幾與關仁勇齊驅並駕矣薄海臣民能無觀感

春秋屬辭辨例

庚午十月夏公

同善

等進呈春秋屬辭辨例八十卷

爲浙江前內閣中書張應昌所著奉 旨留覽春秋

大旨曰事曰文曰義屬辭辨例三者所以數其事顯其文因以著其義也蓋不必立例而義自見屬辭可賅比事原本宋儒兼及眾說間附按語搜羅四百餘家之多研求數十餘年之久而始成是書也中翰舉

嘉慶庚午鄉科前歲例得重宴鹿鳴年已八十有八矣

臘底庚申

俗以冬至後逢庚申日為臘底庚申凡婚嫁喪葬不必諷吉多不可用之先大夫信地師言葬我先曾王父母遂用此日乃大不利深自疚悔時舉為戒爰附記於此以為後車之鑒

直隸水災

辛未夏秋直隸大水順天保定天津河間境內有成

為澤國者自保定至京師須用舟楫乃數百年來罕見之災李伯相截留南漕二萬石以賑然黃河漸歸故道北方水患恐難免歟

鑄奸

張睢陽廟鐵鑄賀蘭進明鄂王廟鐵鑄秦檜王氏万俟卨張俊河南增鑄王貴陳太學祠鐵鑄汪伯彥黃潛善少快千古人心康書臣讀史詩云剛腸盛德為狂狷志大才疎笑史官曲阜擬添北海廟也將白鐵鑄曹瞞予謂楊忠愍祠宜鑄嚴嵩于忠肅祠宜鑄徐有貞石

亨睢陽廟添鑄許叔冀表忠愍奸方更快人

海運

海運漕糧取其速而簡便也後因黃河水歸故道運路不通遂歲以糧米航海由津運京初自元之朱清張瑄本朝至道光間乃履行之今則著爲定章無復河運之議光緒紀元四月劉侍御瑞祺以河運暫停由於運道艱阻奏請復行河運依時舉行以復向章而維久遠一疏有云臣查上年前督臣李宗義等奏將江北漕米改歸海運原聲明俟山東治河事定卽

復向章誠以奏改海運者權宜之議酌復河運者經久之模也而臣竊有慮者李宗義等奏陳江蘇山東境內漕船難運情形皆以黃水南趨爲害本年山東撫臣丁寶楨督辦隄工實爲不避艱勞而於南趨溜勢能否全行挽救尙未可知設使黃流別繞仍益南趨一則淮揚漸受其患欲爲屏蔽之計祇有堵閉一法而江蘇境內之艱阻如故也一則北流之水愈少濟甯以北難以藉資浮送而山東境內之艱阻如故也治河未有定局來年雖欲復河運奚可得哉昔孟



子云山徑之蹊閒介然用之而成路爲閒不用則茅塞之矣今日以艱阻之故而停河運此後恐因停河運之故以致各工棄弛節節淤塞而艱阻日甚一日是數百年之運道自此馴就墮廢也是南北之氣脈自此隔而不通也况乎海運非可常恃本年運糧輪船聞有沈覆之患向之樂其便者將來恐咸憚其險若不先事籌防於河運力求擴充之道何以重倉儲耶臣明知河工辦理之難經費之絀而度勢審時急務莫先於此應請 飭下管河諸臣速查全河形勢

統籌疏治爲來年復行河運地步等語奉 旨報可憶少陵後出塞詩有云漁陽豪俠地擊鼓吹笙竽雲帆轉遼海粳稻來東吳則海運自唐始也

### 箴言

人生不外動靜二字靜無不動一定之理也動而能靜則存乎一定之心矣每於此下工夫而未之逮因摘箴言與靜字一一符合者常留座右亦顯孫書紳之意也敬錄於后天地間真滋味惟靜者能嘗得出天地間真機括惟靜者能看得透灑脫是養心第一

法謙退是保身第一法安靜是處事第一法涵容是待人第一法自處超然處人藹然無事澄然有事斬然得意淡然失意泰然有才而性緩定屬大才有勇而氣和斯爲大勇有作用者氣宇定是不凡有受用者才情決然不露意麤性躁一事無成心平氣和千祥駢集以和氣迎人則乖沴滅以正氣接物則妖氛消以浩氣臨事則疑畏釋以靜氣養身則夢寐恬觀操守在利害時觀度量在喜怒時觀存養在紛華時觀鎮定在震驚時寡慾故靜有主則虛大事難事看

擔當逆境順境看襟度臨喜臨怒看涵養羣行羣止看識見

電報

西人以藥物製銅線能發電氣曰電線絲長萬里傳遞信息數刻可達謂之電報其線如達水程裏以象皮周圍將鐵線護之再以膠漆外塗沈巨浸中陸路則排列大柱線架其上至遞報之法彼此線尾各置鍼盤一具列二十六字母此擊彼應此處鍼指某字母彼處亦指某字母由字母配合數目號碼一號配

林生隱筆 卷八 六  
一字共六千八百九十九號配六千八百九十九字  
刊成一書曰電報新書所報皆號碼有書即可檢查  
行棧家有秘密信可將號數暗訂兩地心照謂之金  
匙開鎖則局外人不知作何語矣

毛詩註

論語云鄭聲淫謂其聲之淫非謂其詩也非鄭衛之  
詩無一不淫也要知聲詩自有分別至朱子註詩一  
則曰淫奔之詩再則曰男女相贈未免臆度余誦毛  
詩感賦一絕云諷誦篇章動我疑世閒難事數佳期

如何鄭衛淫奔者情到濃時儘作詩見者失笑

怪魚

李淳風感應經云河有怪魚乃名爲鰐其身已朽其  
齒一作此卽鰐魚也南州志云斬其首乾之椽去其  
齒而更復生余上年駐軍北塘海口有漁者舉網甚  
重收視之乃一水族而獅形者目怒聲吼徧身鱗甲  
雖海濱老漁莫能詳其種類遂出資屬漁者仍送之  
海似有知識翹首者三若拜揖然殆大海之中無所  
不有不必少見多怪也

老萊子

可食以酒肉者可加以鞭捶可授以官祿者可隨以斧鉞此老萊子語也人生在世自有衣祿與人無爭與世無求可也而乃櫻心富貴自取束縛何不將萊子數語往復玩味耶又况天空鳥飛海闊魚躍人而酒食官祿之是鶩將鞭捶斧鉞其奚辭直魚鳥之不然矣噫

罡風匣

洋人有罡風匣者高尺許四方如斗以匙啟之割然

出一凸玻璃中空無物少頃則玻璃色漸白下開小穴納一活麻雀雀初入猶在匣底跳躍漸飛高近白氣若力不勝而又不能已者旋即渺然未幾蓋自閣內有風歸穴聲殊振厲駭疾也復啟小門以銅管吹之但見毛出如綴而已罡風在天凡血肉之軀皆不能禦不知洋人何術取得之也

地形如肺

大地之土環北冰海而生披離下垂如肺葉凹凸參差不一其形泰西人分爲四土地球東半之土相連

林生隨筆 卷八  
曰亞細亞曰歐羅巴曰阿非利加地球西半曰亞墨  
利加中華僅得亞細亞四分之一耳

八旗

八旗者正黃正紅正白正藍鑲黃鑲紅鑲白鑲藍也  
其次序則以鑲黃正黃正白爲上三旗正紅鑲白鑲  
紅正藍鑲藍爲下五旗方位則以鑲黃正白鑲白正  
藍爲左翼正黃正紅鑲紅鑲藍爲右翼有滿洲八旗  
蒙古八旗漢軍八旗此其大要也

衡霍二山

人有問衡山一名霍山者何也予讀大清一統志注  
云按爾雅釋山云江爲衡李巡曰南嶽衡山也下文  
又云霍山爲南嶽郭璞曰霍山今在廬山潯縣潯水  
出焉別名天柱山漢武帝以衡山遼曠故移其神於  
此乃爾雅疏又云泰與岱衡與霍一山皆有二名考  
徐靈期記云衡山爲南嶽其來尙矣至於軒轅乃以  
潯霍之山爲其副焉故爾雅以霍山爲南嶽據此則  
衡與霍本是二山但因霍山爲衡山之副故爾雅亦  
有南嶽之稱而疏中謂衡與霍一山有二名是出於

邢昺附會之說

造書

法苑珠林云造書凡三人長曰梵其書右行次曰佉盧其書左行少曰倉頡其書下行其長梵而少倉頡固陰抑儒書如謂宣聖爲儒童菩薩之類按佉盧蝨吒書隋言驢唇也西域有驢唇書蓮葉書今回回與漢人書則用漢文與其教門書則字體獨異而文亦左行其卽佉盧之遺與八旗之人則平日所用之書下行而兼左旋又是一格也凡文移書疏之制國書

則自後而前漢文則自前而後亦有用清漢蒙古之體者草木子載元朝行移文字漢字自前而後蒙古字自後而前畏吾兒則橫書之其所由來久矣

詩寫旅况

一車兩馬南北奔馳旅行景光萬難追述予猶記昔年在河北道中見壁上四律頗能道其苦狀早行云正當斜月促登程暗地車聲雜馬聲到處不知邨遠近迷來難辨路縱橫斗牛寒射影將落風鶴久聞心更驚海角雲紅開樹色此時差覺慰離情午尖云梛

腹車中屢欠伸漸來城市覺精神呼聲不已爭邀駕  
駐足無妨暫息塵勸我加餐原是好惱人拂袖究何  
因可憐落寞天涯客半爲飢驅累此身晚宿云晚風  
吹落日輪斜樹樹爭栖夕照鴉投宿情宜先遣僕能  
容膝卽當還家縱觀壁上留題句懽飲壺中乍泡茶  
屢問黃梁炊熟否料知有夢到天涯宵眠云旅館蕭  
條自可憐那堪明月照清眠聯牀縱有談詩友擁被  
都同持偈禪夢總馳歸鄉國地魂多搖落曉鐘天無  
端又聽鄰雞唱策馬怱怱早著鞭未書墨香二字不

知何許人也

古人姓名之訛

古人姓名其字音訛讀者如羊舌肸字叔向向上聲  
響音取肸響之義讀去聲誤鍾繇字元常繇音遙取  
皋繇謨彰厥有常之義讀由音誤曹操之操音造不  
作平聲曹植之植音致不作入聲蘧瑗之瑗馬援之  
援俱音願不作平聲伍員之員音運唐員半干本姓  
劉十世祖凝之自以忠烈比伍員因改姓爲員今讀  
元音如方員之員者誤故唐世謠曰令公四俊苗呂

崔員易牙之易音繹去聲無人姓長息之長音掌平聲無人姓成覲之覲音閑矚字同讀看音誤周亞夫亞字卽善惡惡字古通用也又亞谷侯漢書亦作惡字讀如亞父亞聖之亞誤敖姓不從苟文棗姓不作二束皆見馬氏譚誤又吳壽夢之夢音蒙孫叔敖之敖音傲張翰之翰音寒亢倉子音庚桑見譚誤後序又漢書蕭曹傳序猗與元勳包漢舉信注師古曰舉信舉韓信也信合韻音新故朱竹垞題高六栢塘移居圖詩伍員吹簫市韓信垂釣臺作平聲用他若顏

濁鄒鄒從娶切平讀誤申棖之棖音長讀橙誤伯樂之樂魯刀切一作博勞魯有豐點齊有鮑點點之廉切仄讀誤數之固將不勝數也此特舉其略耳

### 嘉禮

吉凶賓軍嘉是爲五禮昏姻屬之嘉嘉善也今代每言昏姻則曰佳期者美也昏姻之重所宜依經若用爲嘉方合古矣

### 介壽

今之爲禮遠夫古者古人以宴享爲禮而以介壽爲





